



*Moyse avec sa verge frappe la pierre d'Oreb, dont il sort abondance d'eaux ;
et lors la soif du peuple est rassasiée.*

VAND les enfans d'Israël furent partis du desert de Sin , suiuant le mandement du Seigneur , ils assirent leur ost en Raphidim , où n'y avoit point d'eaux à boire pour le peuple , qui en demanda à Moyse pour eux & pour leurs bestes , & Moyse dist , Pourquoy estruez-vous contre moy ? pourquoi tentez-vous le Seigneur . Or le peuple opprescé de soif dit à Moyse , Pourquoy nous as-tu fait sortir d'Egypte pour nous faire mourir en ce lieu ? Donc Moyse cria au Seigneur , disant , Que feray-je à ce peuple icy qui se dispose de me lapider ; Mais le Seigneur luy répondit , Prens les anciens d'Israël , & ie me tiendray deuant toy sur la pierre d'Oreb , & de ta verge tu frapperas la pierre , dont l'eau sortira en telle abondance , que le peuple se rassasierà , luy , ses enfans & son bestial . Et Moyse frappa la pierre en la presence des anciens d'Israël , & appella le nom du lieu Tentation , pour l'estrif que les Israélites y auoient fait , & pour auant qu'ils tenterent le Seigneur , disant entr'eux : Le Seigneur est-il entre nous , ou non .

Exode 17. Chap.